

成就大悲心陀羅尼修行法軌

成就大悲心陀羅尼修行法軌

一加行

皈敬頌

諸佛正法賢聖三寶尊

從今直至菩提永皈依

我以所修施等諸資糧

為利有情故願大覺成

三次

發四無量心

慈 願諸衆生 永具安樂及安樂因

悲 願諸衆生 永離衆苦及衆苦因

喜 願諸衆生 永具無苦之樂 我心怡悅

捨 於諸衆生 遠離貪瞋之心 住平等捨 三次

供護法

我以清淨微妙供 供獻當已却甲尊 馬哈嚩拿毗沙門
功德大天成衆事 空行女衆守護神 藏巴那及寶源女
長養神衆八大王 天龍地祇山神等 惟願慈悲受供請
我今修行益衆生 請賜守護不少離 違緣遠去順緣具

禮拜

一心頂禮本師釋迦牟尼佛
一心頂禮西方極樂世界阿彌陀佛

- 一心頂禮過去無量億劫千光王靜住世尊
- 一心頂禮過去九十九億殑伽沙諸佛世尊
- 一心頂禮過去無量劫正法明世尊
- 一心頂禮十方一切諸佛世尊
- 一心頂禮賢劫千佛三世一切諸佛世尊
- 一心頂禮廣大圓滿無礙大悲心陀羅尼神妙章句
- 一心頂禮觀音所說諸陀羅尼及三世一切尊法
- 一心頂禮千手千眼大慈大悲觀世音自在菩薩摩訶薩
- 一心頂禮大勢至菩薩摩訶薩

一心頂禮總持王菩薩摩訶薩

一心頂禮日光菩薩月光菩薩摩訶薩

一心頂禮寶王菩薩藥王菩薩藥上菩薩摩訶薩

一心頂禮華嚴菩薩大莊嚴菩薩寶藏菩薩摩訶薩

一心頂禮德藏菩薩金剛藏菩薩虛空藏菩薩摩訶薩

一心頂禮彌勒菩薩普賢菩薩文殊師利菩薩摩訶薩

一心頂禮十方三世一切菩薩摩訶薩

一心頂禮摩訶迦葉無量無數大聲聞僧

一心頂禮闍天台教觀四明尊者法智大師

一心代為善吒。梵摩瞿婆迦天子。護世四王。天龍八部。童目天女。虛空神。江海神。泉源神。河沼神。藥草樹林神。舍宅神。水神。火神。風神。土神。山神。地神。宮殿神等。及守護持咒一切天龍鬼神。各及眷屬。頂禮三寶。

稱讚

世尊妙相具 我今重問彼 佛子何因緣 名為觀世音
具足妙相尊 偈答無盡意 汝聽觀音行 善應諸方所
弘誓深如海 歷劫不思議 侍多千億佛 發大清淨願
我為汝略說 聞名及見身 心念不空過 能滅諸有苦

假使興害意

推落大火坑

念彼觀音力

火坑變成池

或漂流巨海

龍魚諸鬼難

念彼觀音力

波浪不能沒

或在須彌峯

為人所推墮

念彼觀音力

如日虛空住

或被惡人逐

墮落金剛山

念彼觀音力

不能損一毛

或值怨賊繞

各執刀加害

念彼觀音力

咸卽起慈心

或遭王難苦

臨刑欲壽終

念彼觀音力

刀尋段段壞

或囚禁枷鎖

手足被杻械

念彼觀音力

釋然得解脫

咒詛諸毒藥

所欲害身者

念彼觀音力

還著於本人

或遇惡羅刹

毒龍諸鬼等

念彼觀音力

時悉不敢害

| | | | |
|-------|-------|-------|-------|
| 若惡獸圍繞 | 利牙爪可怖 | 念彼觀音力 | 疾走無邊方 |
| 虵蛇及蝮蠍 | 氣毒烟火然 | 念彼觀音力 | 尋聲自迴去 |
| 雲雷鼓掣電 | 降雹澍大雨 | 念彼觀音力 | 應時得消散 |
| 衆生被困厄 | 無量苦逼身 | 觀音妙智力 | 能救世間苦 |
| 具足神通力 | 廣修智方便 | 十方諸國土 | 無刹不現身 |
| 種種諸惡趣 | 地獄鬼畜生 | 生老病死苦 | 以漸悉令滅 |
| 真觀清淨觀 | 廣大智慧觀 | 悲觀及慈觀 | 常願常瞻仰 |
| 無垢清淨光 | 慧日破諸闇 | 能伏災風火 | 普明照世間 |
| 悲體戒雷震 | 慈意妙大雲 | 澍甘露法雨 | 滅諸煩惱燄 |

諍訟經官處

怖畏軍陣中

念彼觀音力

衆怨悉退散

妙音觀世音

梵音海潮音

勝彼世間音

是故須常念

念念勿生疑

觀世音淨聖

於苦惱死厄

能為作依怙

具一切功德

慈眼視衆生

福聚海無量

是故應頂禮

南無過去正法明如來。現前觀世音菩薩。成妙功德。具大慈悲。於一身心。現千手眼。照見法界。護持衆生。令發廣大道心。教持圓滿神咒。永離惡道。得生佛前。無間重愆。纏身惡疾。莫能救濟。悉使消除。三昧辯才。現生求願。咸令果遂。決定無疑。能使速獲三乘。早登佛地。威神之力。歎莫能窮。故我一心。歸命頂禮。

供養

| | | |
|---------|---------|---------|
| 所有十方世界中 | 三世一切人師子 | 我以清淨身語意 |
| 一切徧禮盡無餘 | 普賢行願威神力 | 普現一切如來前 |
| 一身復現刹塵身 | 一一徧禮刹塵佛 | 於一塵中塵數佛 |
| 各處菩薩衆會中 | 無盡法界塵亦然 | 深信諸佛皆充滿 |
| 各以一切音聲海 | 普出無盡妙言辭 | 盡於未來一切劫 |
| 讚佛甚深功德海 | 以諸最勝妙華鬘 | 妓樂塗香及傘蓋 |
| 如是最勝莊嚴具 | 我以供養諸如來 | 最勝衣服最勝香 |
| 末香燒香與燈燭 | 一一皆如妙高聚 | 我悉供養諸如來 |

| | | |
|---------|---------|---------|
| 我以廣大勝解心 | 深信一切三世佛 | 悉以普賢行願力 |
| 普徧供養諸如來 | 我昔所造諸惡業 | 皆由無始貪瞋癡 |
| 從身語意之所生 | 一切我今皆懺悔 | 十方一切諸衆生 |
| 二乘有學及無學 | 一切如來與菩薩 | 所有功德皆隨喜 |
| 十方所有世間燈 | 最初成就菩提者 | 我今一切皆勸請 |
| 轉於無上妙法輪 | 諸佛若欲示涅槃 | 我悉至誠而勸請 |
| 惟願久住刹塵劫 | 利樂一切諸衆生 | 所有禮讚供養佛 |
| 請佛住世轉法輪 | 隨喜懺悔諸善根 | 迴向衆生及佛道 |
| 願將以此勝功德 | 迴向無上真法界 | 性相佛法及僧伽 |

二諦融通三昧印 如是無量功德海 我今皆悉盡迴向
所有衆生身口意 見惑彈謗我法等 如是一切諸業障
悉皆消滅盡無餘 念念智周於法界 廣度衆生皆不退
乃至虛空世界盡 衆生及業煩惱盡 如是四法廣無邊
願今迴向亦如是

香花雲偈

事供隨力以喲阿吽加持隨念意供

願此香花雲 徧滿十方界 一一諸佛土 無量香莊嚴
具足菩薩道 成就如來香

法供養偈

願如說修行 利益諸衆生 攝受於有情 代衆生受苦
勤修諸善根 不捨菩薩業 不離菩提心 法供養如是

懺悔偈

上師觀音聖 十方諸如來 正法賢聖僧 慈悲憶念我
無始至今生 由貪瞋無明 起身口意業 作十惡無間
破三皈五戒 別解脫戒等 違菩薩律儀 背密教誓句
不孝輕慢師 不敬梵行侶 情逸遠三寶 罵僧謗正法
輕辱有德者 危害有情類 自作若教他 或見聞隨喜
人天解脫障 輪迴諸苦因 我今大慚愧 一一皆懺悔

隨喜無邊善 迴向徧有情 我禮觀音聖 願大悲哀愍

懺悔文

普為四恩三有法界衆生悉願斷除三障歸命懺悔。

至心懺悔弟子^{某甲}等與法界一切衆生現前一心本具千法皆有神力及以智明上等佛心下同含識無始闇動障此靜明觸事昏迷舉心縛著平等法中起自他想愛見為本身口為緣於諸有中無罪不造十惡五逆謗法謗人破戒破齋毀塔壞寺偷僧祇物汙淨梵行侵損常住飲食財物千佛出世不通懺悔如是等罪無量無邊捨茲形命合墮三塗備嬰萬苦復於現世衆

惱交煎。或惡疾縈纏。他緣逼迫。障於道法。不得薰修。今遇大悲圓滿神咒。速能滅除。如是罪障。故於今日。至心誦持。歸向觀世音菩薩。及十方大師。發菩提心。修真言行。與諸衆生。發露衆罪。求乞懺悔。畢竟消除。惟願大悲觀世音菩薩摩訶薩。千手護持。千眼照見。令我等內外障緣寂滅。自他行願圓成。開本見知。制諸魔外。三業精進。修淨土因。至捨此身。更無他趣。決定得生。阿彌陀佛。極樂世界。親承供養。大悲觀音。具諸總持。廣度羣品。皆出苦輪。同到智地。故我一心。歸命懺悔。

受戒 五戒

皈依佛法僧 盡形持五戒 不殺不盜取 不婬不妄說
不飲用諸酒 終身無違犯 並供養三寶 和尚阿闍黎
一切如法教 奉行無違逆 於上中下座 三業常恭敬
復方便勤求 坐禪及誦經 乃至諸學問 勸助作福等
廣開涅槃路 閉三惡道門 菩提戒之基 增長正業行
從初地至十 菩提道果成

八戒

皈依佛法僧 淨心持八戒 不殺不盜取 不婬不妄說
不飲用諸酒 香華鬘塗身 歌舞娼妓等 坐高廣大床

非食時而食 竟日夜不犯 並供養三寶 和尚阿闍黎
一切如法教 奉行無違逆 於上中下座 三業常恭敬
復方便勤求 坐禪及誦經 乃至諸學問 勸助作福等
廣開涅槃路 閉三惡道門 作出家之基 增長正業行
從諸果諸向 羅漢道果成

菩提願

三寶財法應守護 勿因怨愛起貪瞋

勿執持愛心慈心而起貪瞋諸惡門

於善知識應依止

受用作善迴向餘

受用衣食等應思來處有情而發願度脫每作一善必迴向一切有情

諸師尊前作欺誑

他人作善令悔疑